

序

本所集刊，係前所長郭廷以先生所始創，初意每年至少刊印一期，而自五十八年第一期印行後，越時兩載，始見今茲第二期之刊行，或遂有訝其愆滯者。然第一期集刊十題三十餘萬字，茲刊十九題六十萬餘字，是茲刊乃兩期之累積，蓋假是獻為中華民國六十年紀念之用者，於創始原意，期無背而量稍稍過之也。竊維集刊之作，例重專題，義同集腋，與世說語林、小品文字皆有別。本所同人雖感於述往鈎沈負荷之已重，而猶不憚於膏晷焚繼之餘，出其心力，裒此一輯，且願此後踐跡循行，以達於無盡期者，要亦欲維始業於不墜，展微願於大成而已。至於本刊編審與督製之辛勤，則王君樹槐李君國祁陶君英惠之力居多，宜特識之。予甫參所事，即觀厥成，欣幸曷極，敢綴數語，以志緣法。

中華民國六十年七月古閩梁敬鐸識